



05381

盤桓翁先生詩選卷之十

五言絕句

古意

上馬拂春衣金鞭獨自揮蛾眉鏡中好
國恨不能飛

其二

傳語通州估南船甚日還黃金知易得留取鑄紅顏

其三

夫婿泛淮船閨門一步前如何中夜夢却在
大江邊

題胡思齊水禽墨戲

春水蕩菰蒲雙上出翠鳥那能遠相逐不
解自相呼

劉槎翁先生詩選卷之十

其二

誰與傳符勅遊時水自開江湖風浪惡不
見綉衣來

其三

黃蘆風裏上相逐下晴磯却憶秋江上
嚙書來去飛

其四


鼓吹傳朱鷺鏡歌事已非秋風荷葉底
憔悴白雲衣

昭君詞

承詔辭金闕嚙悲入塞城可憐沙上月
渾似漢宮明

上北岩

涼風四山合月上西崖早古道斷歸樵
啼蟹在秋草



石磴

岩洞何人到仙凡此路分不緣苔蘚滑石磴自流雲

懋白雲菴

解帶白雲中來尋仙子宮始知山頂上容易得天風

松下垂釣圖

城市何年別烟霞晝日閒松潭明月上把釣不知還

題墨竹圖

寒色似瀟湘娟上翠篠長林間踈雨過石上紫苔香

小松

手拂青松樹新抽數寸條殷勤將雨露頭上是雲霄

劉棻翁先生詩選

卷之十

三

白頭金立圖

同宿復同飛茸上淺碧衣白頭秋樹裏相倚看斜暉

題春江垂釣圖

坐把釣魚竿虛潭翠如瀉輕舟浮不動只在松陰下

獨坐

饑雀聚蒼楹庭虛凍色明松下無人跡時聞墜雪聲

殘雪

山中殘雪在背日半稀微却憶長松下間雲不解飛

題延真陳煉師東庭四時詞

杖倚琅玕綠杯澄琥珀紅道人春睡熟門掩落花風

其二

香篆添新火丹爐養舊灰碧窓如水淨坐着綠陰回

其三

風吹山栗葉夜落西園裏手把南華經閒來看秋水

其四

道人神氣清碧眼映綠髮晨起折寒梅和花嚙飛雪

子中兄子彥弟同遊石龍潭余後至失路山左

水落仍穿石峰迴屢隔溪青山千萬壘容易使人迷

其一

相去忽已遠不知山北南祇應隨水入盡處是龍潭

劉槎翁先生詩選

卷之十

三

子彥弟相尋至山左復同至潭上觀岩溜

青壁蒙寒蔓泉流一罅開誰知潭水上更自有源來

其二

崖陰一泓水中有神物宅自送石龍歸至今迎不得

潭本猪猡龍此為石人來雨者下潭中携石以歸則雨至矣鄉人送龍于此潭故云

遯迹山中日有幽事因即澗沐雲卧草栖木食

為四題與子中兄子彥弟同賦以自釋

澗沐愛深冷晨光淨如練日出髮未晞白雲滿吾面

其二

閒依青石磴雲卧此林下迴風忽吹散攬之不盈把

其三

秋草深數尺我栖在其間英匕鴻鵠志乃與雉兔班

其四

山木各已實我饑日方長何曾勞種植媿尔自甘香

題歐陽仲元墨梅

記得南園路垂匕一樹春不知風雪裏還有弄珠人

題竹石

為愛臨江竹蕭匕綠一叢幾時盤石上把釣聽秋風

笋竹圖

聞說南園路新來笋正肥棘枝匕不去欲往惜鈎衣

劉棖羽先生詩選

卷之十

四

雨竹圖

娟匕秋風思微波起洞庭西林喬木底雨卧一枝青

題幽篁古木蘭

月照蒼龍角風生翡翠衣何年滄海上乘得斷槎歸

其二

深林無人行幽蘭方旋匕采之欲遺誰君子在萬里

題蘭

奕匕朱英潤娟匕翠葉長虛堂秋夜永解佩忽聞香

其二

援琴不成彈紉佩可以服江上思美人盈匕秋水綠

古意四首

閨倚白玉床，低頭看深井。銅瓶且莫下，亂我晨粧影。

其二

團圞手中扇，日長相見誰。遣秋風來芙蓉滿，涼殿

其三

駐馬挽金鞭，為君彈四弦。洛陽官道直，莫過酒樓前。

其四

送客荷花浦，放船楊柳津。唱歌不歸去，愁殺渡頭人。

同舒伯源自雙溪口渡橋登高山望幽谷諸峰賦八絕

劉槎翁先生詩選

卷之十

五

濯足雙溪口，尋幽水竹村。淙淙斗門瀑，寒漱白雲根。

其二

坐石弄芳草，渡溪行翠微。西峰月未上，獨自看雲歸。

其三

鳥啼山澗幽，日入松林暝。路轉薜蘿深，相呼不相應。

其四

采得蘼蕪草，無花認不真。持之不忍棄，留問路傍人。

其五

團薄者誰子，捕魚溪水中。林深不見日，寒殺石楠風。

其六

南登龍山亭北望幽谷峰雲氣不成雨濛濛散高松

其七

絕頂太古石秋風生紫苔尋雲山下客終歲不曾來

其六

引手捫石壁俯身落林端祇言上山易不道下山難

題墨蘭

露下衡臯晚月明湘水流美人青羽佩零亂結春愁

其二

冷上葉上風滋上花間露碧草多於蘭美人歎遲暮

其三

劉棻翁先生詩選卷之十

杜若滿中洲滄江日夜流水深愁不渡思殺木蘭舟

其四

何日春風來幽蘭綠如剪細雨山氣涼秋香入苔蘚

題篤耨

金殿鎖閒情羅襦繡不成何年芳草綠相倚睡春晴

古意

仙女不照鏡愁來看深井上底那得風搖波亂人影

八三德院

古殿生春草荒園日暮時鐘樓殘壁上半是昔人詩

古意

佳人擲青梅戲打黃鶯雛鶯雛忽驚走花落滿平湖
其二

閒隨玉蝴蝶步出花前去不知春草生忘却南園路
其三

朝看笻上蚕暮絡車上絲結束須成疋纏綿自有時
題瘦馬圖

玉塞三千里天閑十二重惟應霜骨出識得是飛龍
題墨竹

娟上青竹枝兀上蒼石頂翠袖倚深林秋高露華冷
其二

劉槎翁先生詩選卷之十
矯上蒼龍影喘上翠鳳毛月明秋浦上寒色動虛濤
其三

零亂黃金錯參差碧玉筒何時明月下臨水聽秋風
其四

為愛江南竹春深葉漸交誰家三迳裏殘雨出橫梢
其五

秋浦綠層波月明愁奈何移船湘女廟曾聽竹枝歌
題乘槎圖

漢使樓船出三山隔海波靈槎不識路還解到天河

月色如金波攬之欲盈手如何不辭飲空遣星名酒
題莫慶善翎毛戲墨

青鳥來何晚垂楊春已深琴中無限意惆悵白頭吟
其二

鷓鴣相依好日暄沙草叢晴川朝浴罷刷羽愛微風
其三

山鵲羽差七飛來踏柳枝春鳴應有喜憑報玉人知
其四

雨七鷓鴣小秋田喙粟肥沙寒栖不定驚起向南飛
題莫慶善墨禽

劉槎翁先生詩選卷之十

野竹並蘭花紅深石角斜一雙山喜鵲飛起向誰家

其二

日出露未晞垂楊青嫋七帝殺白頭翁春歸薊門曉
題竹石圖

海上琅玕石山中翡翠毛意含秋雨潤思拂暮雲高
題四時花木

杏花

春口炫高霞宮園萬樹花春歸承宴罷簪得一枝斜
榴花

碧殿引薰風幽七萬綠叢內家清暑宴辛看寶珠紅

芙蓉

嬌艷不自持西風夜中起寒香逐墜露下滴秋江水

山茶

綠剪龍鱗片紅翻鶴頂砂誰家小庭院雪裏見宮花

墨蒲萄

翠羽幡七薄驪珠裊七垂一枝風露冷初出漢宮時

題半軒先生梅竹二圖

嫩蕊紅椒暖新梢碧玉寒隴頭無驛使誰與寄來春

其二

風葉晴初亂烟梢濕未乾復愁江上雨壓損釣魚竿

劉撻羽先生詩選

卷之十

九

雨過

獨對一燈坐看書猶未眠不知疎雨過星月滿涼天

題墨竹二首贈陳子仁

問訊山中竹新來長幾叢一枝初入手如對滿林風

其二

為愛溪南竹春深長鳳毛終然秉高節容易出蓬蒿

扇景

垂釣磻溪上清陰九夏寒他年兆熊卜來此覓魚竿

武山十四境有序

其末紹興中鄉先生劉敏求嘗賦西昌八境

各為七言長句辭極雄麗若武山其一也序
謂泰和古白下邑山青水秀皆神仙窟宅信
矣惜後來無有繼之者子曩自庚子歲始與
南溪蕭紳鍾端及端之弟祥往遊其間嘗為
文記之而意有未極也乃洪武十一年余罷
官歸自北平明年仍客蕭氏且忻然有重遊
之意而往時同遊者獨端之弟祥與紳在而
紳方往省其叔父于滁陽而端之歿已久矣
時王徵君子與蕭國錄子所俱客禾溪二君
皆好古而能賦又嘗遊於是山者乃七月十

劉槎翁先生詩選

卷之十

十

子

三日戒紳之弟暈前期邀三君以次日來會

至于暈之諸兄攄殊稔與祥各撰杖屨具酒

肴與俱而戒劉繼與兒子桶載筆墨以從自

已酉至辛亥三日相與極遊覽賦咏之樂然

後歸徵君謂是山遊者衆矣今日有作宜必

追古乃已於是按圖考誌凡山中名跡之絕

者靡不探深發竒窮心目足力之所及自武

姥岡至石鼓得勝境一十有四仍各疏其名

狀與顯晦之故于下方槩錄其大而畧其細

馬境賦一詩為五言絕句敢尚簡實從徵君

志也同遊者若干人得詩如千首合而成卷
將以授若谷塗煉師俾藏山中後或有知我

平燔轟者焉

武姥岡

在佑仙觀後武山最高處相傳為武姥飛昇之所

一仙飛仙去迢遙白雲上歲七春風來滿山青草長

陶皮石室

即今北岩右陶皮二仙脩煉之所天將雨則岩竇有泉出焉禱者嘗以為

南音觀音西候舊名觀音岩今正之

北岩極險研三面環絕壁聞有山雨來石泉先暗滴

雲峰寺

在虎阜峯後兩山之間舊名南岩雲峯寺宋端平間建寺後有泉出石間觀入

錫池僧為亭其上或傳晚了禪師嘗駐錫而去

劉槎翁先生詩選

卷之十

十七

路盤重巘上寺值兩崖間泉水依然在真僧去不還

佑仙觀

在武姥山東南武姥岡下龍王洞之上觀祀三仙外揭西華當元初初建時有白鶴翔集而天燈常夜見云

南指雞冠石西華北路分至今珠樹上長有鶴成群

龍王洞

在佑山觀下有巨石覆之其洞雖不深廣而流泉冬夏不竭頗有靈異

一斛岩腰水靈蹤向此蟠砥言流出洞長歲不曾乾

虎鼻峰

出武山西南一向方正如屏獨虎鼻峯屹出左方雄秀最一山云

平巘轟崇壙中天紫翠重曾因望江水上到最高峰

礼斗石

在北岩之左最高處有片石突出岩半巒容拜跪下臨不測道士嘗礼斗于此

道士礼丰處獨緣岩際雲空中歌碧落不遣世人聞

望陽石在武山正東有巨石屹立正對出日故

巨石含光景東躡直海門仙人何日下晞髮候晨暉

真珠泉在南岩下泉自石壁乱撒而下若真珠然

乱撒高岩下多因險勢奇更逢朝日映五色爛摩泥

衣籠石在武山東北古臨溪寺基上片石方廣如籠筐狀相傳名武婆衣籠石云

衣籠化為石何年閣半岩多因仙轍斃不是舞裙衫

南岩石在真珠泉之上巨石磅礴中虛偃立道北北岩極小而圍勢若渾成披雲峯舊名南岩此當名南岩石

濩落歌空舊嵌岩掩半匏不愁山雨濕自有白雲交

西岩洞在武山正西謂之風門口上有梵雲庵今廢下有石虎石龜甚奇又有虎穴人

劉槩翁先生詩選卷之十

跡罕至

噦噦風門口坡陀虎穴西向來梵雲寺秋草鷓鴣啼

丹井在武山頂上梵雲庵之左有泉出井中庵視以供厨志云有龜出則天雨今不見邑士楊準嘗有丹井記

絕頂仙人井碧泉春雨香神龜人不見每夜有丹光

石鼓在雲峯寺佛殿後山上巨石輪囷高可丈餘有片石覆其上志云牧童以足搖之其

片石上差栽春風覆薜蘿何人踏龍尾白日撼雷鼉

光風轉蕙泛崇蘭

幽意本不群芳根偶然並不知石林遠但覺生香近

聲如鼙或呼為飛來石今從其舊

光風轉蕙泛崇蘭

獨憐幽草澗邊生

繞澗綠猗猗秋風吹紫蕤如何生
松若渾欲雜江籬

峭壁蒼蒼翠色新

岩石下陰陰猗蘭綠如剪
花發人不知秋香入苔蘚

風含翠篠娟娟淨

閒聞竹上雨疑是花間露
何以遺所思秋風颯遲暮

二蕙

婉孌兩相依芳心自不違
月明蒼玉珮風卷綠蘿衣

題環州草亭圖

孤嶼茅亭小迴汀野樹分
獨尋臨水坂還望隔江雲

劉槎翁先生詩選

卷之十

十三

十

題兩竹圖

怪石疑雲氣橫枝浥露香
故人渺何許秋意滿瀟湘

余為善舉寫墨竹因題二絕其上

深林昨夜雨新筍幾時生
似覺清風動微聞墜露聲

其二

潤愛娟娟色清冷暮陰何
因掃苔石來此坐鳴琴

為黃巽成題墨竹

過雨琅玕潤凌風翡翠寒
何年滄海上拾得新魚竿

其二

磊落藍田玉葳蕤翠鳳毛
飛鳴朝日近騰輝夜虹高

未題山亭避暑圖古曾湖山民古曾湖山民古曾湖山民

掃石坐莓苔林陰晝不開松梢風似水疑有鶴飛來

天寒題蕭與靖所藏古潭墨竹

再七橫枝竹低垂向楚臯秋風何處發吹起鳳凰毛

日又其二春風翻綠柳

壓地欹枝重淋漓亂葉低深林春雨過似聽竹雞啼

風雨其三

峭直餘高節蒼寒只舊叢暮年霜雪意未可薄簔翁

其二

嫩華雲初展新梢粉未乾他年滄海去留作釣鰲竿

劉槎翁先生詩選卷之十 一十四

題李唐牧牛圖

窈々長風起飄々一笛吹回頭看廖廓失手墮羈縻

其二

風雨滿輕箴騎牛逐處過春來晴景少烟草四山多

其三

日夕山氣昏獨歸愁路遠猶恋草青々遲回下長阪

其四

天寒放牛遲野曠風獵々獨來長林下吹火燒山葉

題熊自得山水四景 赤壁武昌洞庭東林 赤壁重遊賦清風萬古傳遙冷山月古曾照火樓船

田其二

黃鶴磯頭望青山落日分至今漢陽樹飛度隔江雲

其三

幾日樓船發洞庭湖水東如何當別日長是鯉魚風

其四

萬木東林下蕭條晏歲情何言紅綠動啼殺早春鶯

山題陳舉善山水圖小景四首為蔣志明賦

窈七松林暮蕭七桂樹秋清江三百里一髮見歸舟

日暮其二

雲連曲鴈嶂潮落釣魚磯共說江南好青山待客歸

劉槎翁先生詩選

卷之十

十五

其三

日落三江水天晴五老峰潮來初過雨坐久欲聞鐘

其四

山暝啼猿外江平落鴈中幾時將小艇來問釣魚翁

月夜舟行

遠林烟幕七宿草露消七沙渚鷺初起漁舟人未眠

題馬圖

錦纜赤茸鞞青驄間紫駟傾城驚掣電千里一回頭

其二

禹馬如雲散中原息戰奔惟餘一疋練光采照天門

題清溪圖

青山千萬疊流水三四里宵上洞門寒天寒落松子

其二

翠嶺冠丹霞清溪是我家好尋黃道士更種白桃花

水面題山水圖

野渡歸人急山原去騎遙白雲秋窅上紅樹雨蕭上

其二

瀑溜穿雲白松蘿蓋石青一僧歸野寺于樹擁蒼筤

題銘道權扇面山水

三峽連明月九華多白雲傷心江上望春樹綠紛七

劉槎翁先生詩選

卷之十

十六

題趙子昂竹石圖

古石神鰲骨幽篁錦鳳毛才名隨世遠意氣與秋高

題李時小景

山色繞層臺山花滿樹開何人携酒去江上看潮來

其二

水面青蒲短船頭白鷺閒江南萬里意好在秣楊灣

九月絕句五首依韻奉答許存札教授

臨水結幽想負山懷遠情遙怜南向鴈三五背邊城

其二

天末望歸雲蓬徊愁檐宇楊葉自多風愁求更秋雨

其三

我里在東臯十年事幽隱不知山水深但覺魚鴈近

其四

霜早難為夜風高易覺冬誰家少年子弓馬錦衣重

其五

佳菊那能采茱萸興不忘高船向南去憑與問潯陽

感興

羸馬不長臆寒來斃枯草幸不筋力勞勿畏風霜早

題北山上人雜畫二軸

流水花間過長松石上生烟霞開古色風雨送秋聲

劉槎翁先生詩選卷之十

十七

其二

脩竹江南好平居有所思清冷霜後葉繁愛雨中枝

六言絕句

題山水畫

三里五里近郭千樹萬樹長松落日無人放棹深山

何處聞鐘

題墨竹四首

風前歷亂千葉石上參差兩竿且可鏘鳴玉珮莫教

吹折琅玕

叢深似暗不暗葉重欲垂未垂向晚鷓鴣啼處滿山

風雨來時

漁父一竿翠玉仙人九節青筇自愛林間草淨誰教
石上苔封

何年裁籜冠子此日見錦棚兒自是金鳴玉潤不愁
雨打風吹

題秋江待渡

雲去雲來山色潮生潮落江沙斜日繫船渡口短篷
沽酒人家

余以官滿赴

京十一月十四日出北平順承

門賦六言絕句四首

劉槎翁先生詩選卷之十

十八

肅政堂前別酒順承門外初程故鄉隱亡萬里華髮

蕭七數莖

抖擻客囊數卷蕭條公館三間暫爾萍蓬蹤跡依然

霜雪容顏

作書遣吏告滿送馬還官戒途已買蹇驢代步更倩

小車載書

居官難是去日飲酒常思醒時造物何勞深計榮華

自不曾知

劉槎翁先生詩選卷之十終

嗣孫養性

道卿編次

劉槎翁先生詩選卷之十一

七言絕句

題秋江圖為陳煉師賦

霜樹雲峰隱翠烟，長風吹起鴈翩。道人心事如秋水，看到南華第幾篇。

題飛霞圖為江煉師賦

海上群峰映紫霞，五雲樓觀是仙家。誰吹玉笛春風起，千樹碧桃都作花。

題江煉師飛霞蘭圖

曾上茅山採白雲，山中瑤草盡蘭薰。何由擷取飛霞

劉槎翁先生詩選

卷之十一

乙

珮同上玄清戲紫氛

題江虛白懸岩蘭竹

懸雲翠壁三千尺，滬露幽蘭四五花。安得乘風栽紫玉，月明吹向玉宸家。

題江飛霞湘蘭沅芷

澧水沅江日夜流，青兮蘭芷滿中洲。誰將幽意和香墨，馮出瀟湘一片秋。

墨蘭一幅贈胡思孔併為之題

猗蘭出石翠交加，春露初開四五花。玉砌雕闌誰種

得幽香，偏入野人家。

為南山張道人寫墨竹併題
道人別我度雲岑歸隱茅庵舊竹林袖裡獨携東海石滿天風雨听龍吟
題竹石圖寄贈湯子敏

松石山房看竹時十年風雨最相思白頭歸老誰同調愛殺秋林綠玉枝

過蕭玄暉舊隱賦二首以寄之

青松深處一茅廬知是蕭郎舊隱居安得鸚飛報童子便寫新酒釣新魚

便寫新酒釣新魚况是林塘雨過初為掃松陰苔蘚

劉槎翁先生詩選卷之十一

石醉來容我卧看書

題紅梅為易謙賦

姑射仙人綽約容已無情態向春風何時學得養霞法畫把冰肌換暖紅

晚興

江上看雲踏雪歸滿牆竹色淨柴扉十年京國春風夢猶憶承恩出紫薇

余歸自南京與子彥弟相見于清江舟中別去

承寄絕句六章依韻春荅

十年奔走度晨曛望斷江南水竹村不是田園無舊

業極知天地有深恩

雲亭河口舊漁磯
此日扁舟海上歸
夜月未傾桑落酒
秋風先製芰荷衣

清江烟雨暗蓬蒿
城下帆檣百尺高
自掩短篷支病骨
不教人識舊兵曹

弟兄手足最相親
恨殺東頭少一人
幸有白頭相對老
甌飲水不嫌貧

閉戶看書百不憂
東原稻熟更何求
便傾秫酒三十斛
更養池魚數百頭

珠林東望白橋高
近築湖居俯澗毛
要知同氣真連理
莫遣分飛嘆伯勞

劉槎翁先生詩選

卷之十一

三

十

江上

沙甯微波漾綠蘋
山頭落日駐紅輪
依稀燈火楓林鼓
岸上人家賽水神

步月

乘涼步月過西鄰
草露霏微濕葛巾
一迳竹陰無犬吠
飛螢來往暗隨人

窺圃

園瓜寒蔓早離披
山藥秋藤已倒垂
小雨暗沾花下迳
閒雲深護竹間池

田家

三兩田家草覆庵，瓦盆盛酒款農談。
園桑秋葉團，綠猶有佳人飼晚蚕。

八月十一日自水南渡江道金華過北岩訪蕭鵬舉氏是日雲陰掩冉殊不見日色道中賦絕句三首明日因錄柬舉善暨鵬舉伯仲

八月棠梨露葉紅，荒陂古水湛青銅。
秋風依舊岩前路，高下寒山落日中。

虎鼻峰前赤面塘，數家雞犬舊山莊。
荒村亂後耕人

少秋水滿田，蒲稗長。

劉槩翁先生詩選

卷之十一

四

秋熱餘威不可論，渡江先已畏晨暎。
天心也似怜行客，十里雲陰直到門。

奉和廖教授相過不遇之作

手撚菊花歌竹枝，秋光月色儘相宜。
如何數載西溪上，只隔芙蓉喚不知。

題李居中所畫雪景為羅與敬賦

李時家住居庸北，慣寫西山雪裡峰。
彷彿舊遊天上去，瑤臺開遍玉芙蓉。

題江上抱琴圖

明月出嶺光欲高，携琴相喚渡江臯。
何由掃石長松

下坐聽天風送海濤

題一萬初上人枯木蘭竹圖

蒼龍躍海鱗鬣古翡翠出林毛羽鮮即色已非身外
相生香應悟定中禪

題高僧圖為心傳上人

班竹匡床錦石屏寶花磨衲間雲翎畫長閒却軍持
水自數明珠記佛經

日落袈裟出定遲滿頭霜雪映脩眉白雲坐斷岩前
石問着遊方了不知

題孫碧霄畫小景為王存睿賦

劉棻羽先生詩選

卷之十一

五

高樓乘曉望春歸日照桃花錦作圍最愛野橋楊柳
外綠波晴影漾人衣

遙山樓觀隱晴霞芳樹庭臺瞰浦沙白鷺驚人忽飛
去滿湖風動綠荷花

野園寒落露初零采_匕黃花酒半醒悵望故人愁欲
暮隔江烟淡數峰青

題山水小景

不見高人唐子華秋江烟樹渺雲沙短筇野服青林
下絕似高吟坐日斜

題蕭安韶所藏崔群白鴉

曾從雪夜混軍聲又向山陰換道經
爭似飛鳴江渚
在水雲淡草青

題捕魚圖二首

釣罷招呼事
敲酬停棹暫
住莫教流不
辭今夜船頭
月醉卧蘆花
兩岬秋

沽酒歸來一甕圓
晚涼出水鰕魚鮮
全家只在滄江
上斜日西風晒網船

題墨竹為郭持中

閒寫幽篁遺所知
兩竿秋玉帶橫枝
山林偃蹇尋常
事直上雲霄自有期

劉槎翁先生詩選

卷之十一

一六

景

題墨竹

伶倫九寸黃鍾管
仙子雙吹碧玉簫
調得鍾聲滿天
地會招鳶鳳下雲霄

題清江釣艇圖

曾踏扁舟事釣漁
垂綸直下碧潭虛
歸來高卧青山
裏閒看桃花憶鰕魚

題三咲圖

三人同咲不同心
墨本流傳漫至今
何似青蓮李居士
猿啼月出過東林

夜宴陳氏聞鼓吹有懷南溪諸友

華筵鼓吹動春輝，入眼偏傷故舊稀。此夜嵩華山下路，雨雲何事滿天飛。

題所翁墨龍

蒼精出海雲為駕，日光珠焰交相射。前驅列缺走豐隆，盡捲銀河雨天下。

春日承鵬舉過余林居適留龍陂山中不果會
篆寄詩三絕趣余入武山依韻奉答

仙女石前愁日晡，松林風急鳥爭呼。誰傳天上瑤華曲，驚倒花間碧玉壺。

小作尋春漫浪遊，君來不得事攀留。青_上楊柳王摩
劉接羽先生詩選卷之十一

詰艷_上桃花皮日休

想見北岩雲錦堆，野花如雪照人開。雲峰寺裡啼鶯早，定約清明載酒來。

賦得臨清亭四時詞就錄寄竇逸士

門外東風吹柳條，晴烟翡翠滿蘭苕。殷勤幾曲洪陂水，漂得飛花出畫橋。

綠竹陰沈白晝長，石渠流水稻花香。綸巾羽扇閒無事，自起開窓送夕陽。

廬度山頭宿霧收，夜來風雨報新秋。階前流水深三尺，不遣漁人繫釣舟。

碧瓦踈櫺帶粉墻梅花照影淡生香朔風不解冰流水吹起飛霜滿石床

題松下彈琴圖

丹崖翠壁三千尺白髮蒼顏一老翁但覺絃中寫流水不知天外起松風

題踈懶生卷

瓢棄不緣春去早門扃不為客來稀床前書乱何曾卷卧看林花過午飛

題尚仲份為陳孔碩作松岸輕舟圖

青山何處是幽居生事深怜老向踈安得短篷仍載

劉槎翁先生詩選

卷之十一

八

酒松江雪裡釣鱸魚

題陳舉善渭川清曉圖

陳丞寫竹小尤精比似湖州太瘦生何處月明江上白千枝萬葉送秋聲

題復公蒲菴

長年步不過迴廊心靜時聞簷蔔香莫怪扣門渾不應近來喧寂已俱忘

十年名重當朝士萬里詩傳渡海僧風雪凌嶒頭雪白月中瘦影見寒藤

護龍河水逸禪房五月尋幽到上方最愛門前兩桐

樹風來葉已清涼
為報身閒老徹師
莫年林下好相期
何由共載南歸
移來向滄江理釣絲

女兒港聞笛

女兒港前風乍起
一聲長笛傾人耳
遙見匡廬頂上
雲片已吹落湖中水

看月

中宵起看大江流
莽已乾坤不盡頭
吞吐月明三萬
斛客懷那得一分愁

題李晟寒泉枯木圖

劉棧翁先生詩選

卷之十一

一九

野藤枯枿半蒼青
白日秋陰結杳冥
彷彿潮頭風雨
惡群蛟銳骨海雲腥

同子瑗梁徵士上圯入小莊投宿下邳周氏草
房賦此奉柬

解鞍向晚暫停征
况是周郎重故情
今夜酒醒山月
上便應高枕听溪声

溪水盤山似建瓴
芙蓉楊柳滿沙汀
明朝更渡回瀾
去猶擬題詩上翠屏

題杜草堂戴笠小像

杜陵短褐髯如絲
飯顆淒涼日午時
為報西流夜郎

客錦袍霜冷更相思

題子昂散馬圖

曾蹴流沙出大宛獨持風采照天門歸來散澹春風

裡曹草長林捻帝恩

題王叔明竹石圖叔明趙文敏公之甥

王郎寫竹出吳興瀟灑縱橫似更能昨日蒲菴七裡

見雲根風骨更凌嶒

題高彥敬青山白雲圖

松橋石瀨雨潺湲杉檜陰森暮色還誰共西樓一尊

酒白雲堆裡看青山

劉槎翁先生詩選卷之十一

水山畫

露下石林秋氣清松風盡日帶江聲聞來自愛無拘

束拄杖看山到處行

松下茅亭俯碧流山中樓閣倚清秋岩腰有路穿雲

去猶擬携琴上七頭

龍氏書室圖

雲隱何年屋數椽芙蓉疊嶂俯晴川松房舊是藏書

處猶有虹光夜燭天

楊柳曲七首

種柳城南河水津兩岸幾株高過人千回樹下頻來

往弄兼吹花惱殺春

種柳城南河水邊青枝拂地盡含烟柔絲若有千尺應繫儂家蕩子船

種柳城南河水流枝上葉上是新愁窺人昨日猶青眼吹絮今朝已白頭

種柳城南河水傍常年二月好春光晴風暖日無聊賴只聽鶯聲也斷腸

河上東風二月時垂楊十里闔腰肢如今縱使能嬌舞照影寒潭亦自疑

金縷織成歌舞衣年上江上惜春暉無端心性輕離劉棣翁先生詩選卷之十一

別待得花開只解飛

莫拘長條作馬鞭春來葉上是愁烟東風着意應怜惜吹送飛花直上天

春日寄李子卿

池館幽窓日上開浮雲西望獨徘徊似聞卧疾滄江上不見尋春北郭來

春水滿江魚子肥春雲匝地鴈群歸客懷誰遣愁花雨草色無端近竹扉

水西江上柳千樹白雲山前花滿溪即欲聞鶯聲舊

賞要頁走馬覓新題

江上有懷故里

東園林禽細作花南城楊柳亂啼鴉青錢買醉何由
得白日行吟真可嗟

莫惜當筵酒滿壺春光流轉只須臾池亭一夜聽風
雨明日桃花大半無

我家茅屋知何似白馬祠前快閣東風濤二月不可
出誰與買船行市中

萬安縣前好風光踈花亂草滿魚梁大船東下疾如
箭一十八灘春水長

題墨梅

劉槎翁先生詩選

卷之十一

十一

谷

一剪春風映路斜石橋流水淨無沙愁來圖畫驚相
見絕勝西湖處士家

松畫

疾風吹雨龍髯濕落月掛林猿臂長岷峽晚晴初瑟
瑟華峰秋色正蒼白

歲暮述懷

不愁江梅破雪早祗恨楊柳隔年青燒燈稚子喧長
夜騎馬行人問短亭

北林枯梢只柰雨東舍寒草故生雲沙冷長鳴黃犢
子池深時亂白鵝群

百舌向人啼不住一身作客愁可憐有酒且復醉今
日無錢莫謾悲長年

憶得小年當歲除昔者之樂今不如青衫擊鼓騎竹
馬赤脚踏水尋鯉魚

正月十九日

金魚洲下放船開華石潭邊看雨來愛殺南天雙白
鷺青山盡處却飛回

西山

江雨滇上落遠帆驅車西上入烟巉青松殘雪分明

見指點行人問翠岩

劉棻翁先主詩選卷之十一

舒氏池亭晚興

十三

陽

池上逶迤結構新光風盡日可憐春柳枝竹葉渾無
賴萱草葵花故惱人

閒雲長近松邊屋流水潛通石底池坐客把書臨閣
迥野人送酒出村遲

赤色鯉魚金作鱗吹花沉蔓解相親湍流出八元無
定雷雨飛騰故有神

生事不關來往稀溪光灩灩映柴扉蒲萄葉破青虫
墮豆莢花開乳雀飛

謾題

四郭青山處，同客懷無計。奮秋風數家茅屋清溪，
上千樹蟬聲落日中。

小雨約李克正過池上，
溪南雲隔數青峰。別館秋光也自濃。細雨不歎沙路
濕，明朝池上看芙蓉。

出溪

砌底石花青的，水邊楊葉綠疎。茅簷過午猶聞
碓釣艇出溪初得魚。

淺水白沙明可數，深林黃葉靜初聞。客心閒得無聊
賴，大似擔竿嶺上雲。

劉樛翁先生詩選卷之十一

岸上芙蓉數尺高，閒居風物苦相遭。興來不用頻携
酒，臨水看花也自豪。

潺七陂水落蒼灣，行子經年且未還。千里贛江何處
是，斷腸空見越王山。

雲松軒雜韻六首寄呈軒中諸君子

白雲峰前溪水東，夜深雲氣白如虹。青山北岸當時
見，多在月明寒霧中。

雞犬蕭蕭入翠微，不愁山霧濕人衣。水邊楊柳因風
落，松下閒雲盡日飛。

引泉近注白雲根，斲地新成翠竹園。為惜苔痕斜貼

石因愛松樹特開門

東籬把菊陶元亮北渚褰蘭楚屈平幾曲清歌一壺
酒高情元不累虛名

霏微夕雨沾林潤掩冉晴雲傍水間忽憶南園兩佳
士今晨携酒過西山

想見故人心眼開石林深處隱平臺黃橙紫蟬俱宜
酒紅葉青山且未回

憶李氏茅堂東克正

舊見池南楊柳樹垂天匝地葉青已可能二月東風

裏畫挽長條結草亭

劉槩翁先生詩選卷之十一

畫日門前流水聲細雨白沙渾欲平可惜溪南千萬

樹秋風落盡不知名

野屋緣山一逕分夕陽人語隔溪聞齋前短草寒猶

在時有鵝群亂白雲

淨妙寺讀李少鴻所書山門記過東院看百結

花其枝皆紐結之而香氣大異感賦二絕

李唐遺碣照浮屠紫霧光涵白雪腴誰惜文章鎮螭

首獨將香火祀龜趺

客行暫住九秋槎僧寺初逢百結花至竟異香生不

斷誰令着意事盤拏

題許侯藏臨江楊萬戶所燕餞詩後

貳守分符出大邦將軍開宴俯清江玉壺舊賞今何
處錦軸新題故滿窓

山城過雨淨泥沙官馬侵星早趁衙訟牒不來驚日
永秋雲亭下看飛花

題竹石圖

石田晴雲故不飛蕭蕭空翠濕人衣湘娥未解臨江
佩西望蒼梧何日歸

題青山白雲圖

石林烟霧冷真如一舸西風過洞庭日暮白雲飛去
後江南無數亂山青

劉棻翁先生詩選

卷之十一

十六

題筍蕨圖

西林新筍各已長南岡蕨芽生紫芒何人採掇欲滿
眼開卷忽聞春雨香

題琴士艾如蘭

獨抱瑤琴下翠微竹皮冠子芰荷衣梧桐枝上秋風
起彈到清商第幾徽

題枯木竹石

魯聽楚人歌竹枝橫江秋靜月明時只今漂泊春風
裏綠蒲南園穩不知

木葉欲脫天雨霜竹枝乍低風已涼三湘落日流波
白行子繫船思故鄉

平沙竹樹晚鏡上楚客維舟近峽南忽憶微雲將雨
過蒲林秋色照江潭

題竹石圖贈陳仲實之南安

寫得幽窓竹石圖琅玕青碧間珊瑚明朝却度南關
去何處榕陰駐鷓鴣

題木石圖

帝子吹簫不可聞高河涼月白紛上靈槎天上歸來
晚獨倚支機看海雲

劉槎翁先生詩選

卷之十一

十七

贈醫士孫名道

架上方書手寫成柴門長掩背西城一簾香霧微風
起又聽雲窓搗藥聲

戲題東湖大梵寺

雲木蒼上秋日涼六年兩度宿雲房老僧白首能相
識咲指東軒舊竹長

題墨蘭

海門月照真珠樹石峽風生翡翠衣千里烟波愁欲
暮美人何處佩蘭歸

避水西軒遠懷

昨夜風高浪打門抱書移榻頓驚奔朝來欲去渾無
路獨坐西軒看水痕

筠陽春日述懷

筠陽花開三月時城南城北好追隨妙真宮中來看
畫龍王潭上去投詩

平野青林十里餘已無城郭限丘墟洞前不見仙人
井澗上猶傳隱者居

鳳山盤石脚斜石橋西畔有人家家上臨水開窓
戶夜上燒燈照浦沙

錦江春水向東流鷓鴣鳧鷖不解愁十日城隅風浪

劉棻月先生詩選

卷之十一

五八

惡人家爭鬻木蘭舟

明秀樓前青柳條錦水坊下赤欄橋東郊酒伴能來
往出飲乘晴不待招

每憶東湖曠省即醉歸留客更持觴無因坐對西樓
竹聽尔狂歌不下床

城南酒樓相見時滿堂賓客捻新知酒闌月落渾忘
却猶帶吳姬唱小詞

秋江風雨圖

橫江千樹冷颼上洲渚蒼茫水亂流安得雲帆高萬
丈聽風聽雨洞庭秋

題陳叔起為枯林上人作海口送別圖

五月乘風離福州魚龍吹浪海門秋
分明一片袈裟影飛在三山頂上遊

題枯林上人墨蘭

曾乘桂楫上清湘明月蒼波野興長
欲採幽蘭渾不見深林風定忽聞香

掩冉晴雲颺曉風碧蘭然穗故成叢
湘娥西去遺仙佩翠羽明珠滿澗中

步入深林有所思蒼茫白石澹華滋
美人欲渡湘江晚暮日金支出翠旗

劉棻翁先生詩選卷之十一

杜若蘼蕪忽已殘西風澤國故多蘭
閒來竹底拾翠羽月下不知清露寒

君子堂夜起

風乱殘燈自掩扉夜寒遊子嘆無衣
池南落盡芙蓉葉滿地月明霜正飛

題江景畫

澗邊白石明於雪林下清風冷似秋
落鴈圓沙江路轉短蓬烟雨憶曾遊

鳥声先在竹林間虛室曛曛曙色還
一夜霜寒慵早起開門枕上看青山

寄蔭益

細雨荒荒白下城茅堂深隱稱高情清晨讀罷淮陰
傳坐着門前江水生

題超上人墨菊

露香秋色淺深中青蕊黃花自一叢最憶南園微雨
過短籬扶杖看西風

題山水扇面

杳杳青峰隔斷林桃源無路可追尋扁舟莫渡南村
去風浪滿江雲正深

題春江小景畫

劉棻翁先生詩選

卷之十一

廿

鷗鷺鷺鴛鴦相對閒落花芳草兩班班清歌一片雲中
起知是吳姬蕩槳還

題蘆鴈小景

蘆花霜滿釣漁磯江上征人久未歸天北荒涼雲似
水年々惟有鴈南飛

題和靖觀梅圖

處士娟娟白氎衣松門石迳轉依微不因月落西湖
上貪看梅花忘却歸

題墨鷹下有一熊

當年渭水困鷹揚兆入非熊鬢已霜搏擊只今誇健

翻可能兀立睨蒼茫

同曠伯達登揭氏山雨亭觀石上虞太史刻字
退池上觀魚而歸

太史文章漢魏初碧苔深護九霞書閒來倚石看雲
月直恐神光貫紫虛

高柳芳池豔一春一泓新綠淨無塵夜來忽漲西山
雨千尺蒼波躍錦鱗

寄易搖

谷口同遊最憶君別來雙鴈不堪聞滿山橡栗何由

拾獨擁寒扉望白雲

劉槎翁先生詩選

卷之十一

廿一

夜飲扁鵲觀同魏煉師坐竹林下

扁鵲觀前清夜遊青衣隔竹送茶甌綠陰深巷涼如
瀉坐聽瓊簫轉玉樓

題秦華春雲圖

仙人樓觀炫青紅帝子行春遊太空玉檢金樞人不
見漢家壇埤雨雲中

題楊補之臨宋徽宗湖口鷓鴣圖

大湖石畔雙鷓鴣碧草春明繡羽毛莫擬宣和看筆
法故宮花鳥屬蓬蒿

題明皇行樂圖

宴罷微行禁苑春諫臣已遠美臣親那知劔閣西巡
路能護鑾輿有幾人

題墨龍

八十一鱗金甲光西捲弱水東扶桑羲和按轡作霖
雨矯首中天朝玉皇

題蕭曙所藏曾同可畫水

千疊潮頭捲海來海門月上正雲開秋風吹起三山
雪直過錢王射弩臺

三月平湖舟楫通水光雲氣混涵中白頭浪起無人

渡个口江豚吹北風

劉槎翁先生詩選

卷之十一

一廿二

輕濤暗浪互奔驅極浦蒼烟澹有無欲采白蘋愁日
暮一帆秋雨過南湖

楊子江頭秋意深金山下蟄雨雲陰可恨赴海東流
水不及歸人萬里心

題李遵道幽篁古木圖

海愛黃岩筆意研蒼枝幽竹淨娟娟
清秋翡翠誰能識碧海珊瑚更可怜

松雲軒

松蓋盤上擁百層連山雨過白如蒸晚風吹散天邊

影琥珀神光忽上騰

何處飛來野鶴群，踏翻松頂翠粉。清陰不動涼
水自掃綠苔眠白雲。

林下高軒日正開，清風時共故人來。鳥啼更在雲深
處，白晝松花滿石臺。

題山水圖為興國監縣帖俠賦

亂餘風物捲凋零，誰寫雲林近草亭。萬里歸人望江
北，居庸還在日邊青。

題生色粉茶

禁苑春回雪乍消，絳茶花發上陽嬌。曉粧淨洗鉛華

水，猶自乘雲擁翠翹。

劉棻羽先生詩選

卷之十一

題秋江小景

廿三

景

秋水無波淨落暉，汀沙雲樹轉依微。望中一片瀟湘
意，無數征帆逐鴈飛。

題枯枝幽禽圖

霜枝黃葉亂秋風，竝立幽禽慘淡中。長憶爭飛春樹
裏，綠衣深映杏花紅。

夜宿文溪道院喜雨和呈蕭同知

山雨初來一鳥啼，千村白雨動成畦。何由得買雙鳥
犢，乞取荒田自在犁。

風折林間綠笋竿，洞門白晝忽陰寒。仙人解喚雷行

雨却與玄都洗石壇

春在青林野水濱酒壺隨處伴閒身偶來仙館題詩
句貪看桃花忘却秦

題趙子深折枝牡丹圖

華清野鹿不曾來孔雀屏深扇影開九奏樂停春日
午綠衣初進紫霞杯

西其夜聞馮兵將上携家入黃塘州

城鼓荒々欲二更鄰家相喚月中行平田一路人如
蟻碩影蕭條亦自驚

晚遊興福寺奉和從兄本泉韻

劉槎翁先左詩選

卷之十一

廿四

童々飛蓋出松蘿公子多情柰晚何灘下綠波濃似
酒月明更擬棹船歌

登白石塘高峰

西北群峰勢最雄雲霞倒影落塘中幾年却上岩前
石坐看匡山出日紅

仙人手可接飛鴻落日長天慘淡中贛水直派三百

里越王臺下却如弓

至華金華相望高城中秋樹見毫毛武山雲氣共來
徑只駕仙人皮與陶

題梅圖為萬砵賦

千載梅山不可招南昌言
觀草蕭七歲寒圖畫驚初
見依舊清風洒雪標

題文溪道院

白石蒼苔一迳荒鳥啼仙館
落花香新來禁得西林
笋更比琅玕數尺長

雨過池南綠漲肥水沉香裊
午風微閒來自拾青松
子驚起梢頭獨鶴飛

桂花風定莫雲閒夜靜江聲
鶴未還天上月明秋似
水時聞玉佩出松關

門對龍灣雪未消亂山寒日
思迢迢道人神氣如春
劉槎翁先生詩選卷之十一

酒自倚梅花品玉簫

題萱草葵花圖

綠葉朱英春正稠丹心何事
復忘憂西風別有葵花
在猶戀餘暉照暮秋

承王子與伯仲枉顧敝廬不
果迎候奉次留題

二首

汛掃柴門出候君春泥野草
綠紛七竈知夜半山陰
雪翻作江東日暮雲

春四尋芳偶未回不知江上
故人來歸來驚見留題

處此... 一片苔... 昌... 萱草... 歲寒圖畫驚初

題散蘭圖花葉狼藉若採而棄之者有松枝竹葉雜之蓋墨戲也進士劉仲炯以示余因為戲此

曾向深山採蕙蘭佩紉未試忽春殘飄零亦有同心者莫作尋常閩草看

偶閱胡思齊詩追憶友范實夫李子翀

曾共雲邊看晚晴芙蓉峰下聽灘聲當時范李今何在愁向詩中見姓名

和荅陳宜山居寄示

石門細草落松花磊砢圓峰削翠瓜夜久風泉聽不盡獨看明月燕流霞

劉槎初先生詩選

卷之十一

十一

山人出洞歸來晚月上東厓一文高貪着臨流看清影不知風露濕絺袍

青山何日許為鄰愧尔東南飄酒人縱有桃源堪避世已無漁子解知津

和鍾廷方韻贈其弟廷亨南歸

知君伯仲舊名家學海新闢未有涯歸到岩前春酒熟滿庭風雨看梅花

夜宿城西聞雨有懷新堂瓦覆尚缺感賦一絕

架上殘書乱不收短琴亦掛壁東頭直愁沾濕兼泥

潭尤恐堂坳作水流

入峽潭

水土石山森劒鉞水中石屋是魚房秋來水落月未
出魚眼射波如火光

聞劉友文病起

詩帙不來春又過藥瓢應是日相親無因為報池南
柳長得新條長過人

題墨竹

羽衣何處采仙茅海上蓬山紫翠交帝子欲來風露
冷月中遙見綠雲梢

劉槎翁先生詩選

卷之十一

廿七

題墨雀

乍逐微風度柳槐又隨斜日噪樓臺晴沙如雪江村
路何處飛來啄雨苔

三月五日同鵬舉蕭茂材白水道人遊三華未
至留宿山下袁仲暹氏明日雨作望三華在咫尺
尺不能至乃冒雨步歸袁君追至山外不異留
途中因賦東同遊者

三華山在亂雲間晴日尋春雨却還想見飛橋轉接
閣碧桃花下水潺

過柳溪道院

岸上誰家掩素扉，烏啼渾似惜春暉。日斜深巷無人過，
過時見梨花一片飛。

東
過江南高城訪孫景賢知事途中有作因錄奉

屋角桃花深淺開，臨溪欲過復徘徊。誰知不是尋春者，
自為山人看竹來。風吹雲水暮天寒，題於女界
渡江一望一咨嗟。水繞田園迳路斜，多謝野人相指
別青松嶺外第三家。

家在松蘿香靄間，屋西流水盃沙灣。可怜萬里懷鄉
意，日上高城望北山。

劉槎翁先生詩選 卷之十一

題雲松圖

何事携琴更載書，青山深處是幽居。白雲日在岩前
起，松下茯苓應可鋤。

晚同南溪諸友過武山避暑 掃殘梅徑入詩
曉上西華愛夜涼，松風如雪洒衣裳。夕陽欲沒月初
上，亂石滿山疑卧羊。

白雲

一片白雲東去微，千片萬片相隨飛。野人望殺田頭
雨，空逐逍遙神女歸。

月落

月落荒村夢自驚，隔窗人靜一燈明。
狂風忽起樓西樹，聽得枯枝墜瓦聲。

題山水畫

遙峰隱隱白雲層，喬木春陰落紫藤。
野客欲歸茅店晚，赤欄橋外見魚罾。

題墨蒲萄為古心上人賦

根何日渡流沙，萬顆神珠燭絳霞。
岩底月明初入定，驪龍弄影落袈裟。

題竹石棘圖

山石確犖行路微，苦竹叢棘相因依。
草根露寒蟋蟀語，有客秋暮懷當歸。

劉棖翁先生詩選

卷之十一

卅九

武溪道中望武夷

虎峰龍洞互綿聯，長是高低落照邊。
最愛武夷心上看，錦屏一片倚青天。

喜賦一絕

武山秀色盡長松，曾宿泉亭夜聽鐘。
溪上閉門三日雪，不知雲氣滿西峰。

題風雨歸舟畫

狂風橫雨滿江天，縱有高帆未可前。
別浦寬閒瀟瀟響。

駐萼教吹却釣魚船

蘭舟詞

有嫁女渡牛乳難而溺死者作蘭舟詞以悼之
風蕩蘭舟觸石磯白波如雪卷羅衣香魂只在春江
上化作鴛鴦獨白飛

以風雪不果遊龍門承故人羅允道寄詩相問
依韻奉畲

雪滿空山不可行懷人幽興一時清高堂正隔黃泥
港短屐難移冷水坑

題秋江小景畫

劉槎翁先生詩選

卷之十一

卅

美人鳴弦思瀟相斜飛金鴈不成行夜深彈徹烏桕
曲月照寒江萬樹霜

石橋道中

一樹棠梨溪水頭飛花片上逐溪流行人過盡斜陽
暮何處飛來雙錦鳩

訪胡隱君山居

屋後青山亂入雲屋前春樹綠紛上松窓晒藥無人
到時見西岩過鹿群

度三華飛仙橋因憶往年同遊者

步轉危橋入紫烟曾登絕頂望飛仙五人同賞今誰

在試數重來十五年

戲題蕭子所書舍

尋山衝雨過甘溪欲訪蕭郎路轉迷
間殺門前春水綠釣竿還在栗原西

蒼石峽中見道人庵居隔水山花盛開

斷蒼石峽中花藥欄舊時草屋傍岩安
道人去後松橋斷縱有花開隔水看

石塘山家

隴麥高低迳路斜小池楊柳帶人家
東菑午餉柴門靜一大籬根卧落花

劉梈翁先生詩選

卷之十一

王隆山晚望

卅一

山路初晴榭葉香青林赤磧帶橫岡
玉隆山後平田少柳下人家是石塘

春晝

池南歌柳燕將雛門卷新晴轉綠蕪
花隔小窓人不到一簾香霧閣樗蒲

聞吹笛東蕭艸

山皆共賦仙遊按節傳觴夜不休
恨殺春寒花雨

中酒

銀燭頻燒夜宴遲
晨光忽覺轉簷枝
幽人欲起
酒卧聽西齋讀杜詩

題觀泉圖

披圖如見錦袍仙
正詠銀河落九天
百疊雲屏烟霧裏
石梁聽雪定何年

題折枝梨花

最憶梨花白雪香
春深千樹鎖昭陽
畫圖驚見東風面
獨擁紅綃試淺粧

題雙竹

天星墮地氣如虹
深映蕭蕭碧玉一叢
草滿漢宮秋露冷
金莖雙出月明中

劉棣翁先生詩選

卷之十一

卅二

見山中結草為舍者

結草為寮石作床
和雲和月卷衣裳
秋風華屋成塵土
却望青山是故鄉
飛十回
畫圖
良東風已挽
畢枝當屋椽
更班枯草作寒氈
從今莫彈南飛鳥
客坐安巢未有年

夜驚

雞喧犬噪半夜鳴
空村月落旅魂驚
何人敲竹爭防虎
坐聽山風過五更

出村

偶沿流水出孤村遙見人家欲斷魂屋上野狐嗥不
去土垣插棘半無門

過老虎口

負隅受尾兩蹄躡秋草班見石根雞犬已空人散
久猶張饒吻向荒村

憶家藏舊書

萬卷家藏史與經翻床毀檝捲飄零可怜閒殺箋題
手無復林間拾露螢

余憂憤中戲作墨龍子報恩寺之西壁明日余

兄子中復圖于東壁有高視闊步之意或請余

劉樵翁先生詩選

卷之十一

卅三

弟子彥贊之子彥咲而不言因賦一絕以見意

東壁圖龍勢最雄氣連西壁雨雲通葛陂一丈無人
識雙劍飛來野寺中

感懷寄友人

十年離亂今年甚畫室飄零秋雨時百里荒山行欲
暮望人烟火問晨炊

八月南奔未授衣忽驚霜露滿柴扉故表已落他人
手憔悴蘓秦未得歸

西鄰

門前紅葉寒初落窓下青烟濕不飛賴得西鄰老翁

健荆薪長日送柴扉

題墨竹贈揚煉師

瀟洒高標早出塵
歲寒空谷見斯人
紫霞洞裏吹簫處
閒殺桃花萬樹春

夜宿閩塘與陳有慶別

夜宿塘西山館中
可憐愁雨又愁風
一瓢春酒千行淚
明日行人獨向東

尋春

顛雲橫雨挾風塵
終日尋春不見春
雞犬已空桑柘廢
清明誰是踏青人

劉棻羊先生詩選

卷之十一

卅四

卅

入山

二月携家又入山
紛紛爭戰往來間
草堂落盡梨花雪
過却清明未擬還

南園

南園桃李舊凋傷
作意迎春向艷陽
十日寒風三日雨
翻成狼藉送年光

題三岡寺

石橋流水帶人家
紫殿春陰閣岸沙
啼鳥數聲山雨歇
歌門前落盡白桐花

石鼓坑田舍

松林日暮雨淒淒十里陂田五里泥一月離家歸未
得桐花落盡子規啼

望仙壇嶺

東望仙壇第一峰倚天秀色盡寒松春來山下多風
雨黃土潭深有卧龍

雨晴

三月雨晴風日侵山下田田流水漲稻苗一片青如
織花鴨來時無處尋

重遊李良感賦

寺後青峰梵閣陰寺前流水稻苗深重尋稚子牽衣

劉樵翁先生詩選

卷之十一

卅五

慶粟葉青雨滿林

題泰源堂壁上墨龍蕭煉師畫

白鶴仙人劍氣雄蜿蜒鱗甲動秋空何年飛上精籃

壁海藏神珠徹夜紅

題牧牛圖

牧童食牛仰牛載穩踏牛頭上牛背却咲金鞍躍馬
人時七失足墮風塵

題枯蓮水禽圖

綠房秋老驪珠黑青筠霜餘翠羽乾歌罷採蓮人不

見雪姑飛去水雲寒

題秋江晚渡小景

滿山黃葉亂秋晴風欵橫江一棹輕老屋溪南歸未
得十年風雨最關情

題竹石圖

雲根雪骨立崢嶸誰種琅玕綠乍成安得長竿三百
丈為君橫海掣飛鯨

題石上鶴鵲圖

石盤鱗七溪水急鶴鵲飛來水中立前飛回首定相
呼寒枝月明愁影孤

題江天小景

劉槎翁先生詩選

卷之十一

廿六

斷岸遙山翠欲漫冥鴻飛去楚天寬何年結屋長松
下坐聽江聲五月寒

出長筵藍陂

行人三五度田溪亂後人家井竈迷蒼耳黃蒿無路
入斷垣細雨鶉鳩啼

度嶺

蘆葉蕭蕭亂壓頭石攢山擁路如鈎陰沉不見天邊
日鳥自喧啾水自流

茅坪

斷壠荒岡少樹林翩何許一幽禽欲栖不定還飛

去白蒿黃茅秋正深。

小庄

老虎廟前溪水長，白羊坪下晚山蒼。
到家尚遠心先近，指點行人問小庄。

與郭約別

火燒橋畔草離離，野水寒山日暮時。
已渡前溪更回首，知君獨立尚歸遲。

東原對月

土屋無風夜不關，屋前遙見兩青山。
瓦盆盛酒茅鋪席，何日柴門望月還。

劉槎翁先生詩選

卷之十一

卅七

景

寄湛上人

當時曾共北沙遊，把酒哦詩賞素秋。
十載故人零落盡，東山依舊說湯休。

流江春日

山遶平原屋遶山，兩溪流澗水結環。
綠楊如畫花如錦，長日烏啼烟霧間。

過郎湖

山中春鳥夜相呼，岸上誰家酒可沽。
風露滿船眠不得，長歌乘月過郎湖。

酒醒

野人亂後無歸處，惟有尊前似故鄉。昨夜流江水亭上，五更酒醒月如霜。

紀夢

風雨瀟瀟鷄亂啼，十年春夢使人迷。環波亭下東湖路，依舊荷花水滿堤。

萬壑千林掩翠岑，出山自淺入山深。桃源未必真無路，正恐重來自莫尋。

迷懷

別時曾賦落梅花，江上風寒燕子斜。過却清明三日，劉樵翁先生詩選卷之十一

兩茶蘼亭上客思家

送劉海鵬之金陵

鳳凰飛集五雲間，送爾長歌入楚關。明日駕帆淮水上，便從雲氣望鍾山。山自無人山色綠，氣未及真綠却攀楊柳待君歸。

荷葉陂頭流水聲，月華霜氣兩淒清。自憐委翅蓬蒿底，不得相從赴遠征。

入葉坑

山下泉車盡日聞，山頭茶樹綠成雲。幾時荷葉陂頭

佳學種山田四十斤

題瘦馬圖

保不抽余友大梁辛好札題云曾奮沙場朔漠功病
羽木西毛如蝟氣如虹一株官柳西風下猶記當年
張百戰中乃其暮年由贛赴汀時於王府推坐
猶夢中醉時所賦也余悲其辭因追和以傷悼之
當年毛骨聳竒雄曾奮沙場百戰功萬里渥洼歸未
得却將憔悴托秋風

谷中松竹

同王伯圻諸弟登眺宅後林谷鬱茂可愛因題

劉槎翁先生詩選

卷之十一

卅九

景

離七四五百竿竹落七二三千尺松深結秋陰應懋
鶴高蟠雲氣欲成龍

蝶

花間撩亂作團飛草際悠揚獨自歸惱殺吳姬描不
就忽隨扇影上春衣

題宣和鸚鵡畫

暮平由節快下朝

汴水西頭鞞鼓聲寶箋香翰尚娛情可憐鸚鵡空毛
羽不解傳書到北京

春日謾興

暖風踈雨淨塵埃林下幽居鎖綠苔昨日桃花渾未

盡去年燕子却飛來
鵲相顧復相依
萱草花開滿石磯
不似秋來沙上
鴈天涯風雨更分飛
入苦竹潭聞笛
題楊自明萱草鵲鷓圖

江上何人吹笛聲
水雲風樹兩淒清
幾時載取禾川
酒苦竹潭心看月明

日落狹潭風湧波
汎舟從此入天河
虛疑天上無人

到百疊青山路更多

劉稚翁先生詩選卷之十一

四十

景

藥湖書所見

石根寒沼時時落
嶺上荒田寸寸鋤
已圍蕎麥防飢
鹿更挿杉條護凍魚

敗堞草荒餘箭眼
殘兵衣禿見刀痕
蕭條香火楓林
靜散漫人烟草閣寒

題古城耕釣圖

兩角黃牛一釣竿
古城幽處足盤桓
乱來稅水仍輸
結留取溪山畫裏看

兩坐候故人不至

青簾上雨瀟瀟
虛館山寒坐寂寥
還說南村收穫

去可能留客待明朝

燈花

開門坐待月光斜，應念行人未到家。
好是客窓殘酒醒，一簾風露看燈花。

重遊洞玄壇

河水西邊萬木群，三間茅屋祀真君。
仙家閬靜無塵榻，自掃青苔坐白雲。

題墨竹贈曾同升

石溪頭君故家，前朝文物自清華。
幾回想踏橋邊石，翠竹瀟瀟上覆白沙。

劉槎翁先生詩選

卷之十一

題明皇優戲圖

臂袒紅衫側皂冠，翩躚舞樂初攢笛。
聲一片宮前起，應說秋風蜀道難。

見池上梨花

梨花一樹照清池，暖雪晴風二月時。
忽憶小園曾種得，今年應發兩三枝。

題宣和墨禽

君王無那汴宮春，八寶牋明墨羽新。
寂寞金輿灤水外，繡禽楊柳入邊塵。

金沙盛開

金沙花發繞亭東，萬朵籠鬆滿障紅。
安得移尊喚歌舞，為君醉倒錦屏中。

戲咏紅錦帳

紅錦帳子薄於紗，四壁清風汎綵霞。
昨夜月明春夢熟，誤吹長笛入桃花。

池上偶賦

蘆欄碧樹午陰斜，小扇微風拂帽紗。
最憐一時春水綠，不教五月看荷花。

溪上晚眺

槿巷蓬門處，同行入橋外。
各西東，荒原斜日牛羊。

劉槿翁先生詩選

卷之十一

四二

下一路西風朔，籬紅

珠湖

珠湖七裏蚌生珠，野老傳言定有無。
昨夜月明湖上望，一川寒色秀菰蒲。

初聞木犀

連雲長愛綠團圓，一片清陰九夏寒。
自有秋香三萬斛，何人更向月中看。

秋夜送伯衢別

山風吹落桂花枝，江上停盃欲別遲。
半夜酒醒柔櫓發，一篷西雨過平陂。

出石門灘舟行書所見七首
石門灘下浪如雷西岸人家夕照催亂石滿江灘路
淺唱歌踏水負薪回

石潭秋水漾清萍兩岸青山夾去津釣箭纏絲挾長
弩柳陰時見射魚人

龍福渡到灘最高新橋崩石鼓秋濤小船不敢當江
下獨傍洲灣送短篙

秋雨生蒼綠正肥江心石面暗浮衣漁人網罟鹿難
下野鴨鷓鴣滿釣磯

馬夾廟前江水長馬頭石下綠潭光出山估客來求
劉陸翁先生詩選

小桅欲放船渡酒香

卷之十一

四三

沙岸崩時惟見石江流曲處却逢山荒林野屋元星
散古路行人自往還

放船出峽遇回風石角參差盡向東貪看好山如走
馬不知波浪入船中

過平陂望南平王廟

陽臺石下水離離夢閣猶傳故老知千載神遊竟何
往滿江明月照荒祠

題溫日觀葡萄

老神醉墨走蛇虺風露瀟瀟數葉秋無復馳囊盛馬

孔却看圖畫憶涼州

五嶽道人携至故人梁仲聞詩因和奉峇

朝真壇上月明時白鶴歸來見好詩三月青塘芳草
路十年風雨最相思

題雪竹

簞簞谷中三日雪深林無人鳥飛絕翩七翠袖出岩
阿路轉風迴聞珮玦

題雨竹

滄波石面晚陰涼翠篠娟七過雨香何許鷓鴣啼不
斷黃陵祠下是三湘

劉棣翁先生詩選

卷之十一

四四

題石竹

翠葉枝低雨過時釣臺石上影離七記得月明江浦
夜舟人解唱竹枝詞

題墨竹

石邊脩竹兩三竿渭水蕭森暮色寒會見秋風吹結
實鳳凰飛下五雲端

為郭吟所題竹

長豐隱者年八十種竹滿林皆老蒼莫待翠至輕栽
管留取長竿釣渭陽

題伯衢扇

華山收雨兩江晴夏竹屯雲一
途清門外綠陰眠野
鹿隔簾時聽打碁聲

聞鶯

霧雨初晴萬竹低鶯聲彷彿度前溪忽然飛去無人
見却在綠楊深處啼

觀禾川新漲

勝鄉三日雨如秋兩江新水拍山流長杉短筏不敢
下怕有蛟龍乘夜遊

江上聞鶯

宣華西上是敖城江水弓灣復鏡平五月行人西嶺

劉槎翁先生詩選

卷之十一

四五

下滿山青樹只聞鶯

謾題

為謝高陽舊酒徒相逢從此莫言酤野鳥不知官禁
苦向人猶自說提壺

湖上曲

湖陰微雨裏新粧隔浦風來水氣香閒凭船舷不歸
去綠荷花底看鴛鴦

綠荷繚繞水為城十里紅雲照眼明不知昨夜花開
滿清曉船來不可行

卸船夜傍隔溪雲清曉看花不見君自撥蘭橈唱歌

去却嫌荷葉混羅裙

新蓮乍出即昂頭，葉底紅菱不解浮。菱角沉泥終暗

老蓮花落盡，只漂流。

鷓鴣雙飛亂綠蘋，畫船終日倚湖濱。泥中踏藕何由

得，水上看花惱殺人。

淡紅粧慢七歌，畫船如月蔭高荷。雨來不怕羅裙

濕，貪看胡笳舞翠蛾。

獨自沿流出浦遲，回船何事不相期。滿房蓮子誰心

苦，落盡秋花君始知。

訪杜巡檢不遇留題早禾官舍

劉棹翁先生詩選

卷之十一

一四六

候吏庭閒散綠苔，銀鞍何處未歸來。寒塘九月風烟

淨，惟見芙蓉一樹開。

和溪道中

深七黃竹兩三家，血隴高低迳路斜。犬吠柴門楓葉

下一籬，寒日蔓絲瓜。

兩坐讀史記憶子，中兄茅堂已開比渠賦。此奉

呈

嬌兒忍冷戲牀前，貪咲癡啼也可憐。烏柏林空紅葉

濕，蕭蕭烟火對愁眠。

雞犬蕭條少四鄰，孤村風雨自荆榛。愁來愛讀平原

傳濁世翻上一偉人

溪上晨起承舉善鍾茂才書自白馬源來問近
作因賦一絕

山鳥一聲當翠微野人初啟竹間扉日輪欲上天東
閣滿地白烟皆倒飛

過東門故居廢址感賦

快閣東頭是故家兒時插竹更移花只今門巷無尋
處半落江流半岫沙

蔣嶮道中

寒江水落鴈團沙碧嶂霜餘樹隱霞行客忽驚冬欲

劉槎翁先生詩選

卷之十一

四七

盡道傍初見報春花

和蕭翀江上紀別

霜落烏啼知夜長驅車欲別更彷徨明年何處來相
覓楊柳青上馬跡塘

北岩雲氣上岩堯却望歸雲度野橋誰在西樓吹夏
笛鴈飛不盡海天遙

劉槎翁先生詩選卷之十一終

道卿編次

嗣孫養性

劉槎翁先生詩選卷之十二

七言絕句

英德江上

臘月炎州霜霰稀
清江白日燕交飛
四千餘里金陵路
何日征人度嶺歸

廣州雜韻

垂根榕樹三千尺
結子芭蕉百萬頭
異味薦盤隨地有
繁陰壓屋半天浮
筋竹長篙鐵木船
兩檣夾立引藤牽
越童狎水仍輕悍
蕩槳踏歌驚畫眼

劉槎翁先生詩選

卷之十二

越王臺榭已成原
漢殿空餘鐵柱存
莫倚兵戈憑海嶠
好勤忠孝荅乾坤

下人陽烏石二瀧初聞猿聲

萬石崩騰互犬牙
兩山盤沓欲橫遮
瀧流直下三千尺
不見船頭見浪花
白日青崖烟霧生
深林絕澗少人行
殘年烏石瀧頭路
聽得山猿第一聲

過德慶憶劉公衡

錦裘石前江水流
故人曾此戍康州
當年旌節隨雲散
山鳥山花識舊遊

過梧州懷廣西僉憲王子敬胡子祺時分按各
郡

蒼梧浦口暫停舟聞在潯州與賀州無限好山雲霧
裏為君惆悵一回頭

至容州將赴北流聞陸川道梗題綉江亭

都嶠山前望北流丹砂勾漏若為求陸川更在浮雲
外落日旌旗生遠愁

宿胡塘村

南上荒原路欲迷數家茅屋背清溪夜深月落千峰

暗時有山禽樹上啼

劉槎翁先生詩選

卷之十二

粉壁道中

樹杪高崖盡插天岩腰墜石半侵田火燒山木斷平
路騎馬亂行江水邊

入高州界值雨

路入高州石迳微紫崖崩處黑雲飛行人初發青山
下盡折芭蕉作雨衣

化州聞戍卒夜歌

化州城上月如秋聽着觥歌人自愁何日歸帆向東
去陵羅江上正西流

題遂溪同由驛

山晚鴉啼木柵城
征人暫駐馬前旌
荒原漠北風沙晚
猶隔雷陽二日程

蘇詩望海

獨上高原望海堤
黃雲白浪使人迷
無端路近青銅港
流水三條盡向西

過雷陽有懷永年胡蒼使奉寄一絕

去年與子南京別
知領鹽倉白石塲
萬里相尋不相見
獨騎官馬過雷陽

吳司令友雲於磨勘公廨隙地鑿兩池以種蓮
而植柳其上五月過之見柳陰荷花盛開既恨

劉槿翁先生詩選

卷之十二

三

不能久留又歎不能數往因賦二絕奉寄

小池陂兩斛泉也教插柳着春烟粉牆過午新陰
合時有青風一洒然

聞有高荷相次開
綠雲深護紫霞杯
公曹清切人難到
自繞池邊去復來

蘇詩題沈子仁青山白雲圖

野橋流水乱浮花
深巷垂楊淺蔭沙
祗恨小船呼不應
隔江茅屋似吾家

題扇

清溪綠漲岸西東
五月荷花似錦紅
安得水亭楊柳

疎簾小扇坐薰風

偶賦

內官宣進瑞瓜詞閫闔門深晝影移東苑紅橋楊柳
下曾因待 詔立多時

九日寓因勝寺有懷曉上人渡江未歸

上人九月過開沙門掩虛庭白日斜好是重陽最相
憶隔牆無路看黃花

早離鎮江

禪林聞有諸方勝吏事慚無半日間京口五更鷄唱
罷又衝殘月過金山

劉槎翁先生詩選

卷之十二

四

題墨梅為省椽郭尚文賦

曾向花前倒酒卮茅堂雪月澹相宜一從省掖看圖
畫長憶故園花發時

題墨梅

仙人爍七雪肌膚風格天然韻更殊月落嶺南啼翠
羽春深洛浦弄明珠

正月元夕奉陪

車駕蔣山寺祀佛夜歸追賦五絕
內宮飛騎入松林寺裏華鍾吼法音五日高僧齊上

殿紅袞袋裏間泥金

香臺百尺擁雕櫺一朶青蓮出紫庭龍輦先登開善塔鸞旗猶駐翠微亭

四蔭欄衫四帶巾十人齊舞獻華珍微雲獨洒山中雨麗日昭回雪後春

泉溜盤桓石磴間松枝如壓畫彎環禪關猶揭前朝字最愛襄陽第一山

旃檀霏霧繞龍衣皮弁如星貫日輝金絲連函烟裏散鼓鏡千騎月中歸

題秋江釣圖

江雲漠漠雨霏霏釣魚船邊秋鴈飛九月京華看圖

劉桂翁先生詩選

卷之十二

一五

畫好山何日賦將歸

題雲間圖為高負外賦

影落松林初散漫陰浮野水暫稀微時來天上從龍去五色祥光夾日飛

題墨梅贈友人歸毗陵

一枝寒影弄芳菲無數幽香上客衣好似水邊晴雪後醉吹玉笛送春歸

題秋江垂釣圖

湛湛長江上有楓江平日落見飛鴻安得酒船三百

軒荷花蕩裏釣秋風

題雲山飛瀑圖

釣船閒倚落星灣，飛瀑高懸紫翠間。
風雨不來雲氣淨，絕勝湖裏看廬山。

宗啓劉君由泰和知縣入為工部侍郎，先時縣丞陳舉善為作山水圖以識別，及會京師，劉屬題詩其上。余邑子也，故云。

贊府澄江送別時曾揮健筆，寫淋漓。只今西掖看圖畫，江雨山雲捲去思。

題墨菊為楊公輔賦

道人滴露調香墨，寫出秋花一兩枝。
愁絕淵明愁未醒，短籬沽酒月明時。

劉槎翁先生詩選

卷之十二

六

題練帶桃花扇面為韓敬明賦

仙鳥飛來練帶斜，踏翻雲影碧桃花。
誰令天上傳消息，春到瑤池阿母家。

東阿道中

北上桐城日未斜，人烟蕭瑟半風沙。
客懷千里愁冰雪，三月東阿見柳芽。

清明日所見

初日榆林聽鳥鳴，微風拂面曉烟輕。
紙錢麥飯誰家子，忽憶清明上塚行。

檢柳帶烟蘿落日荒原狐兔多斷港已無流水
行人猶說古黃河

予自去冬閏十一月遣人還泰和迎候余弟子
彥與家人借來今經九十餘日矣未知果來否
燈下獨酌有懷悵然援筆題此俟余弟至而共

讀之

南北相望路七千南風只有中鹽船故鄉消息何時
發縱得書來是半年
稚子家人俱可憐江南烟水路綿綿開船好是燒燈
後下馬何由醉眼前

劉槎翁先生詩選卷之十二

五

轉覺別來俱老大四年不見柰愁何直須燈下狂呼
酒比較何人白髮多

昨日通州好語傳凌開已見上河船上中怕有南來
客直遣相迎河水邊

更憶舍南篁竹邊長公相對結茅椽有時躡屐窺園
去長日拋書枕石眠

自起床頭數俸錢情人買秫釀水泉牡丹開日應須
到淨掃西軒待醉眠

群鳥亂啼蒼栢顛南窓對酒一悽然不知今夜燕鶯
月何處荒江照客船

不見其生思其死
絳王此詩城三月天
新年白楊枝上垂錢

題李兵曹竹石圖奉寄中翁長公

自捲新圖寄長公
幽篁古木兩三叢
燕城六月塵如海
得似南窓卧竹翁

題江亭秋望圖

江亭秋望渺湘衡
岸楓林帶夕陽
欲采蘋花愁遠客
白鷗飛去水茫茫

題春江載酒圖

劉槎翁先生詩選卷之十一
錦石瓊沙不浣塵
桃花楊柳滿江春
畫船載酒遊何處
絕似風流賀季真

過萬歲山下

海子空將萬歲山
廣寒殿在碧雲間
岩前無數長松樹
惟有飛鴉日暮還

初晴

微雨初晴不作泥
牡丹花發石欄西
公庭過午文書靜
坐聽林鳩自在啼

庭下牡丹盛開感賦一首憶徐呂二僉憲分巡

未還

廿年不見壽安紅三月燕城霧雨中未省何人舊裁
得斬新雨露闔春風

海子橋晚眺

海上青山上雲空青錦綉自成文廣寒西下紅橋
晚兩岸荷花一逕分

題黃淵靜贊札墨竹紈扇

潇洒頌臺贊札即手持紈扇白于霜只今寫得簪
竹清晝無風也自涼

秋雨口號

滿城風雨冷淒淒白楊葉飛烏飈啼馬蹄暗踏街
劉槩翁先生詩選卷之十二

水車轂深埋一尺泥

直北風來厲作威吹沙挾雨半空飛行人不慣張油
蓋茸帽氈衫信馬蹄

命童子買酒看後庭晚菊

自數青錢送酒家瓦瓶細注流霞牡丹芍藥從渠
有莫負庭前瘦菊花

何日

揚葉落盡桑葉稀烏鴉夜啼風掩扉長年塞北風霜
早何日江南遊子歸

秋意

廡外纖塵寂不驚滿庭秋意坐來清開門白日無人
過大吹階前落葉聲

十月對菊

杏梨三月闕芳華不見深冬梅與茶欲識幽燕風景
異菊花開後更無花

狂風

陟頓風來刮地吹排窻推戶更褰帷居民土辟圍烟
火暖坑歌賦自不知

寒夜

馬竄枯荻寒夜長風如箭鏃射陰房不知門外三更
雪誤起開門看月光

劉樵翁先生詩選

卷之十二

十

歲暮戲柬天英上人

殘年寄食尚天涯風裂禪衣面撲沙還憶故山晴雪
裏間拖錫杖看梅花

題棧閣晴峰圖

曾聞劒閣上青天棧道縈紆路幾千更過隴頭聽沉
水白雲西下自秦川

題畫

九華日照綠楊川三峽雲深瀑布泉安得草衣騎白
鹿碧桃花底訪神仙

四月承叔銘僉憲二絕句問西廳牡丹開未併
寄罌粟子令種之以娛目因戲用韻以荅之

惆悵乘駟客未回杏花落盡牡丹開西廳吏散文書
靜幾向花陰立紫苔

曩盛罌粟寄來遲種得花開定幾時賴有戎葵高一
丈淺紅深綠總宜詩

既四月末予西軒牡丹一枝最後開與戎葵掩
映特盛時叔銘適自保定歸隱若有相待之意
因命酌快賞叔銘再用前絕句勻為寄興不能
已仍用韻奉荅併憶呂本拙僉憲按事中山未

劉槎翁先生詩選

卷之十二

十七

還歸日當共一笑云

戎葵花早牡丹遲剛值先生下馬時
不便破除千斛酒也應勾引數篇詩

有客耶郵久未回西廳無奈好花開
當筵縱賞何由共日七開軒掃翠苔

叔銘以紈扇索余題詩因戲作叢竹于上仍繫
以詩

家住江南青竹林別來無日不關心
偶然寫向齊紈上便欲移床坐綠陰

題古木幽篁圖

瓊枝翠葉靜為鄰
秀色娟娟絕點塵
日暮天寒羅袖薄
可憐空谷有佳人

西廂秋日見鴈有感

居庸關前秋草新
桑乾河畔是通津
可憐無數沙場鴈
箇箇南飛背着人

送別叔銘出順承門

送客出城秋已涼
太行南上楚天長
順承門外斜陽裏
薔麥花開似故鄉

題晦菴先生耕雲釣月四大字墨本為王敬之

賦

劉槎翁先生詩選卷之十二

十二

陽

十角黃牛兩具犁
山南山北趁幽栖
杏花開後菖蒲出
春雨鶉鳩相應啼

獨移蘭棹釣滄灣
風細波澄夜景閒
却渡九溪歌九曲
不知月上浸亭山

七月一日得大兄去年九月所寄書其午魏直
夫來自京師聞大兄哀訃而未領家問是夕燈

西風如雨入長楊的
七青燈伴夜長一紙鄉書三四

讀不知清淚濕衣裳

望漢獻王陵

單家橋下雪橫水草樹連雲掠凍鷹漢業已荒河水
在行人遙指鞞玉陵

阜城道中早行即事

飛鳥無聲萬木僵黃沙蔽七響微霜一翁驢背聯拳
坐鬚上堅冰數寸長

夜宿遠家店

柴門下馬日平低常席蓬窓壁乍泥寒夜老翁看客
慣青錢問酒過村西

入德州界

霜結沙塵東不飛榆林風定日熹微客程已入山東

劉棖翁先生詩選

卷之十二

二十三

境漸喜居人識面稀

高唐州道中

北風吹沙官道長兩傍楊柳間榆桑何時走馬重來
此要看清陰六月涼

碌獨

礮獨雙輪至日斜北風竟日卷黃沙已添衣上塵三
斗誰料胸中書五車

觀野燒

敲童敲火枯柳根青烟獵七起荒原回風吹入蓬科
去燒却東家桑棗園

野老當門盡客來旋燒新炕斫桑柴自言土惡無甜
水五里分泉夜却回

至甜水舖夜宿水惡不可飲早趨高唐州

驅車甜水舖前宿燎火夜乾衣上霜忍渴不眠愁水
苦五更乘月過高唐

入東平渡北關外長橋見採樵水上者

橋跨平湖一鏡開群鷗欲下正徘徊蕭蕭蘆葦層冰
上猶有樵人踏雪來

東平道中問酒不可得

劉棻公羽先詩選

卷之十二

一十四

寒鴉啄雪行且飛東平道上行人稀炕頭黃酒那得
買冰下鯉魚空自肥

夜宿司徒舖以送徒喧雜鍋釜不空童僕不及
炊爨而去因憶嶺南舊事謾賦

憶從繡水入高州篁竹蕭蕭萬嶺秋道上行人敲石
火截筒炊飯也風流

余自北平赴

京十二月五日道出濟寧會伯高齊君於公館

君本唐縣人素擅預吳之妙草上為余點貞觀

者咸以為肖而余獨覺其老醜也臨別賦絕句

三首奉荅併柬趙晉卿夏時佐曹伯仁三先生
慶都山人齊伯高袖有五色之仙毫李白樓前忽相
遇便呼銀甕出蒲萄

我本山林麋鹿姿多君點染出清竒不知老去愁多
少但覺秋霜滿鬢絲

昨夜南關對月時客心如水向南馳京城此去猶千
里歲晏還家未有期

夜宿城南天井閘候水憶孟鄰王貳守時許為
余寫弄琴小像未至賦此以寄併柬東府公趙大

參秉爨

劉槎翁先生詩選

卷之十二

十五

京國南還水路遙城陰復此駐蘭橈可憐關外重七
閘不放河流過魯橋

目送飛鴻手撫絃十年幽事已茫然誰知昨夜南歸
夢猶在雲山野水邊

出趙村閘為魏鑑題墨梅

憶在江南慶士家每從雪裏見橫斜北來十月燕山
下却想梅花似雪花

過黃河見隄岸有古墓雙石表感賦

河隄石表古來存知為誰家守墓門舊塚已虛人世
換年上烏鳥當兒孫

過鷄鳴臺

鷄鳴臺下水禽啼韓信城邊雪滿堤千里行人愁夜
半一船明月過河西

將至徐州見人種樹者

舟下徐洪凍已開故園遠在贛江隈家上春近栽楊
柳江上行人且未回

淮安舟中夜聞吳歌戲作二絕

淮安城下霜月明淮河船上唱歌聲誰遣此歌今夜
唱聲上只是怨郎行

望郎歸近怨郎行一步閨門萬里情辛苦寄書河北

蘄翁劉先生詩選

卷之十二

十六

去人言却在武昌城

題關山秋霽圖

關門迢遞通何處野寺依稀記昔年未擬爐峰看瀑
布直疑劍閣上青天

由邳州入房村

沙薄霜乾草不深蕭蕭榆柳冷無陰村園門巷皆雜
大比似江南少竹林

層冰兩岸戲龍鱗先放河心一道春借問駟船行得
未南京楊柳待歸人

鳳村阻雪贈曲秀才

村

山
村
槎
鳳
村
夜
半
雪
飛
花
何
由
倒
捲
滄
溟
死
杜
桑
看
日
華

劉槎翁先生詩選卷之十二終

嗣孫養性

劉槎翁先生詩選

卷之十二

道
卿
編
次
十七

嗣孫養性



劉槎翁先生詩選

劉槎翁先生詩選

劉槎翁先生詩選卷之十二

聯句

遊金精夜宿桃閣余與鄭同夫張燮置酒且
且吟命田仲穎書之余二人飲益豪吟益奇
伯友從旁醉卧聞喧笑聲忽躍起大呼好句好
句仲穎亦時匕瞋睡不應羅孟文從傍大笑不
已道士姜近竹以繼燭不給先退矣迨明綴之
得五十韻

木落秋容靜天高旦氣清乾坤澄玉色雲霧豁金精
招隱懷藜桂劉尋幽想茯苓委蛇緣澗壑鄭迢遞出
劉槎翁先生詩選 卷之十二 二十八

郊垌赤嶺酣朝旭劉青峰帶曙星箕管交石嶠鄭蘿

薜蔭林亭峽口聞清唱劉崖陰見耦耕洞猿啼石裂

鄭山鶻掠雲平劉瑤草迷玄圃琪花藹赤城鄭老君

岩巔芳劉仙女沼泓澄鄭玉几栖崖穩劉金床映戶

熒仙桃寧有種鄭石鼓自無聲蓮墜飄銀漢劉松蟠

偃翠樞緣簷風鐸亂鄭掛壁雨瓢輕木鶴遙占斗劉

銅龍竝拱衡殿標唐歲月鄭地擁漢精靈鳳詔雲霞

煥劉龍章日月精舉帷瞻綽約鄭隔水望娉婷劉奕

奕青霞服飄匕赤羽於鄭來鸞朝解佩騎虎夜吹笙

縹緲何由遇劉荒唐孰可名悲歌傳下土鄭遺迹渺

飛駢劉王紀長沙系兵行百粵征鄭委禽懷戀上鑿
石感錚上劉仙偶真難匹師昏竟莫成斷雲空望
鄭流水故無情已矣遺祠廟蒼然肅殿楹劉莓苔沾
玉座塵網拂珠纓鄭明鏡沈秋澗殘棊委石枰劉尋
真冷夢窈撫事覺心驚鄭映日蚕崖瘦綠雲鳥道橫
劉躋攀愁獨坐歌嘯混同行鄭剪燭當清漏携尊近
翠屏劉絕襟從客醉移席任渠爭鄭酌倡兼諧謔登
臨任送迎劉孟文頻絕倒仲穎故沉寘鄭思苦心應
驅眠遲眼屢瞠劉吟教劉楚啞聒到趙堦醒鄭月冷
茶烹栗霜寒瓜剖瓊劉風從鍾後息泉共醉時聽鄭
劉槎翁先生詩選 卷之十一 二十九

磨石湏題姓劉臨池欲寫經鄭繼膏愁道士授簡媿
諸生劉林鳥寒初定岩扉夜不扃鄭楫欄高瑟上黃
竹乱琤上劉天地真寡沉朋游此合併鄭百年成過
鳥一夕感浮萍劉野迥參初轉鄭庭空露向零劉長
吟倚空閣吾欲訪蓬瀛鄭
露坐南城石橋與鄭同夫羅孟文聯句
雲透月微明羅風澄露初泫劉川容淡水物荷氣松
階薜鄭更深喧漸息慮絳情自遣劉宿鳥寒不飛羅
流星下遙嚙鄭

湖亭午宴與曠達歐陽銘蕭曙聯句三十韻

林館衆綠淨微風濯煩敲 眷言集群彥清讌永崇

朝 禮尚艷樽儉惟逾錦瑟調 初筵陳旅語雅韻

接仙韶嘉落高懷馮踈狂逸興飄 炙鮮香溢鼎注

玉色翻歌 斟酌煩童豎歌呼狎友僚 楊梅紅欲

滴山非翠初挑 坐倦輕絳解吟酣小扇搖 雲窓

塵不到雪梳暑全消 越渚仙禽迥穿簷海燕嬌飛

飛渾不定 矯七詎能招 慈竹秋陰近官槐莫色

遙 居便人事簡貧愛客情饒 閉戶仍投轄携壺更

解貂 習池寧足戀謝墅故難邀 自撫便七腹誰

呼嫺七腰 青雲期放曠白髮任飄蕭 崧也泥途

迹銘乎玉雪標 那能終隱逸端可上雲霄 萍梗

嗟良會蓬蒿托聖朝 赤心元皎潔丹禁自岿堯

伏諫青蒲切趨班玉筍趨 鷄鳴天闕道龍躡海門

潮 結駟陪官署聯鑣出使軺 北遊尚塵土幽事且

漁樵 勝會寧辭數狂歌故不驕 孟行湏泛七瓶

罄莫寥七蘓圃連花塢徐亭帶柳橋 他年番雅韻應

得繼風謠

湖上聯句

次公不鮮飲越石最能詩 讓短句從誰賦空觴祇自

持 晝晴雲低過雨斜日上高枝 近寺鐘聲起歸鞍未

可期蕭

湖上聯句同常允讓黃蕭伍理

疎雨湖邊過讓涼風柳下來蕭隔堤漁網出理別浦

酒船四崧遠樹來江闊讓殘雲帶曉開理曾臺歌吹

發猶恐暮鐘來崧

聞黃子邕數日出飲不歸因與劉崑子鉉張智

崑子明聯句戲柬之併寄楊憲史伯謙

三日不見黃子邕使我茅塞于心胸書床虛連竹

色淨酒竿間覆柳陰濃崧每于月下重相憶何事湖

邊獨不逢智急欲移書楊憲史山房須遣白雲封崧

劉槎翁先生詩選

卷之十二

廿乙

九

南園聯句同王佑曠達劉霖蕭謙

絡緯聲如勸飲佑篔簹青好題詩達風轉銀燈不動

崧月來瑤席頻移謙草色亭西晚迢佑水聲籬外秋

池霖此夕龍灣佳會南樓千載襟期崧

北園池上聯句

池上月涼秋似洗遠城頭漏轉夜如年佑枳林不動

風初定謙草葉低垂露正圓崧移席偶臨流水坐達

鈎簾還對落星眠佑幾時吹笛芙蓉底更向龍灣棹

酒船崧

再賦

池館月初上幽人時獨行
崧馬知竹林下有此木屐
聲霖

白雲軒聯句

至正丁酉五月念二日大梁常允讓盱江黃
肅邀余訪伍理於東湖之上時暑雨初霽綠
陰正繁坐白雲軒中酌酒論文情興甚洽久
讓嘆時事之方殷感朋友之不偶乃相屬聯
句得二十韻宛轉成篇音韻諧適仍命曾沂
就景為圖上成錄詩其上非敢以誇時彥於
方來亦將以識嘉會於斯日也詩曰

劉槩公羽先生詩選

卷之十二

廿二

瀟洒青雲彥幽居隔柳樊湖陰通曲迳苔色上高

垣簾捲南薰入窓含夏蔭繁脫巾投玉塵移席倒

匏樽涼雨荷香度晴雲樹色屯芙蓉交翠葉薜

荔引芳根雪鬪烏絲細霜毫玉筍完籠鵝從換

帖愛鶴敢乘軒休日欣良覲高懷得細論堆盤

朱實潤溢砌紫蘭翻屬坐儀如鳳揮觚捷勝猿

雄文三峽水壯志九溟鷗酒暈開愁頰茶香醒滯

魂風塵江海暗戎馬道途喧杜子無家久張君

有舌存丹心依魏闕清夢繞天闈寥落悲時事

飄零愧弟昆盍簪萍梗日曳履緝紳門句壓弥

明興宴同桃李園

銀屏酣坐穩鸚鵡可鯨吞

晚涼同常伯敬黃子邕過楊伯謙湖上書舍值

伯謙出未歸子邕買小酌聯句

酌酒湖陰晚劉移床竹迳涼黃高荷凌水碧常幽草

入林香劉問字過從數常聯詩笑語長黃却懷楊憲

史騎馬出東坊劉

同張孟蕪蕭子所焚香夜坐同賦線香聯二十

韻

齋居澹心情分火試香縷張織七五絲纏烟七衆星

吐劉初聞疑襲芳細辨湏按譜張千條揉金枝百和

劉係翁先生詩選

卷之一

一十三

雜瓊乳劉本非龍涎妝豈與雞舌伍張烟聯玉繩直

霧裊金莖古劉月斜忽透迤風度自飄舞張氤氳起

絲髮宛轉散毛羽劉眩眸訝窺螢拂鼻欲停塵張麝

臍遠近發狼燧高下舉劉緜車不可收著草遠堪取

張焰含怪鎗爻燼過惜糾紐劉焦頭恍莫救燃指繁

可數張蕭莖引初熖艾劑消微炷劉袖携憶朝回地

落驚夜午張蘭膏既異資庭燎亦殊炬劉吟長搜韻

險坐火攬懷苦張雲冷博山空劉城樓已三鼓蕭

玉兔泉石引

洪武五年秋九月有五日入酉余與仲

子璩過張孟兼於成均秉燭對坐孟兼方命
侍史汲玉兔泉淪茗俄熊鼎劉崧周子諒皆
集相與談詩至愜心處輒抵掌咲譁呂仲善
聞之亦驩然來會既斲茗已孟兼出新造玉
兔泉銘諷之且曰今夕何夕勝友如雲不可
無以為娛請舉泉聯詩何如衆皆曰然余年
有一日之長俾題其首句餘則以次而續闢
險據勝闕七弗能休至二鼓詩成各擁枕就
榻建雞再號風雨淒迷載途官事有程皆不
告而去余亦騎驢去朝天矣明日孟兼將屬

璩作小楷繫詩于銘左徵予為之引於乎人
事聚散如風中飛花其迴旋飄泊曷嘗有一
定之迹今幸得與二三君子岸幘詠詩輾然
而一咲豈非天哉然此七人之中楚產者大
半獨余父子與孟兼君越西相距僅半舍他
時或先後抽簪而歸支九節筇訪孟兼白石
山房遡詠諸賢立霄漢上欲一見不可得取
此卷閱之恍如聚首成均時寧不有慍于寂
寥之鄉也耶孟兼子諒仲善皆以字名熊君
字伯穎劉君字子高余則南散吏金華宋

景濂也

成均地何靈聖澤資灌沃濂兔奔兆竒徵井滌發新
斲鼎自非三窟深孰湛一泓綠兼儲精本從金生色
絕勝王諒霜唇蘸寒飲雪毳翻夜浴崧釀冽補酒經
沐丹驗仙籙善杵春蟾宮棄珠噴鱣堂觸璣孕月生
陰津觀天漏晴旭濂水澄毛骨堅鑑徹鬚眉燭鼎鈍
名徒自竒檜行穢難贖兼雖涵東郭狡難洗上蔡辱
諒引滿瓶未羸探幽綆頻續崧流颯滲銀床出竇濺
瓊粟善醉沃目暈花凍吸指連瘞璣濡毫乃自潤照
影從人欲濂光沉天上魄祥啟地中躅鼎摛辭挹餘

劉槎翁先生詩選

卷之十二

廿五

清盥薦侑佳告諒劔刺非貳師池移豈身毒兼燕支
愧淫陳監鹵鄙富蜀崧不動疑雪窪長搖咲風燾善
天光一眼開雲影片鱗束璣劇燕覺瘳瘵蹙足想予
于濂感沸虎爪跑鯨吸猿臂曲鼎繫士濯冠纓渴卒
卸刀韜諒精當卯君降液或井宿督兼誰知鍾阜分
脉與伊洛屬崧錫名尔固佳戰句吾何局善聯將指
鼎比疾勝擊鉢促璣驚風落燈燼斜月墜檐曲靈源
詎能窮短韻聊可錄

劉槎翁先生詩選卷之十二終

嗣孫養生

次

